

響

泉

集

響泉集 詩十三

金匱 顧光旭 華陽 五世族孫鳴鳳校刊

錦樹園藥

起丙申冬止丁酉冬

宦遊二十五年吾親倚閭久矣丙申夏陳情乞假十月既望  
始抵里門錦樹在峭蒨青葱間高年頤養於是爲適茲得晨  
昏定省無疎節樂何如也趨庭餘暇得詩獨多刪存一卷

還家六首

萬里扁舟此日還青青滿眼九龍山相將樹色兼溪色來做愁  
顏作笑顏陋岸坐聽鄉語熟傍村行羨野人間雙橘宛轉吾廬  
在門對弓河第六灣

菰衣堂上拜雙仙  
况復兒孫繞膝前  
仕宦得歸逢聖世  
鄉鄰相見話髫年  
其愁儉歲拋租穀  
欲訪貧交愧俸錢  
多謝老翁攜酒至  
勸余問舍更求田

故家祠墓起山坳  
佳氣葱葱水木交  
繡澀古苔侵馬鬣  
踟躕老鶴護松梢  
得依几杖看弓冶  
何敢堂階漏斗簪  
散步平林更遙望  
溪光嵐翠蕩雲旂

小時種桂傍疎簾  
桂樹今來出畫檐  
久坐天香寧有隱  
滿收金粟恐傷廉  
後凋未信冰霜重  
方長頻承雨露添  
但得倚樓青作蓋  
年年攀動更何嫌

瘞鶴歸來尚有琴

余自蜀將歸  
二鶴皆斃

一彈一詠九峯陰  
梁鴻亦祖風

騷體陸羽真知水石心人去酒壚紅葉晚鳥啼詩社碧山深長  
江濯足沿流下行到江南好入林

莫訝交遊盡老蒼行行二十五星霜枉拋半世寧無悔竊附千  
秋不自量三峽月高風乍定二泉水白酒初香寸心得失今方  
省夜夜錦聲到枕長

婁江過邵侍讀

刪宗

同年故宅示令孫

安字

海風迷寒潮須臾滿前渚來者不可知逝者常終古緬我同年  
友生存華屋處園舍不暇窺天人策 當宁偃息京華春拙簪

咏東武收綸作三圖一囙杏花雨

侍讀初作杏花春雨圖再成  
秋時賦歸作收綸三圖余爲

詩何期竟永訣萬事皆塵土奄忽逾十年徒看舊門戶肅客新

少年自稱名安宇知是君家孫動靜儼前矩已能讀父書爾其  
念爾祖且爲收遺文勤思振宏緒

丁酉正月九日邀鮑若洲小飲得青字

二十五年別燈前似夢醒一尊新月白雙鬢往時青俯仰皆無  
憾行藏各有經開襟茅屋下爲爾數晨星

初十日侍 大人陪彭芝庭先生舟至惠山遊二泉亭登  
雨秋堂觀竹爐詩卷至寄暢園丹井山房別後先生楮示  
詩四章依韻奉和

松雲蕩微陽空翠不成凍共烹陸羽泉獨抱漢陰甕樂山仁者  
靜樂水知者動我聞僧若冰漱流壑巖洞賦詩緬十老開徑延

二仲泉影湛空虛人世如大夢閒閒鶴身輕引吭作長

高高望玉宇朗朗流明珎妙諦想像中老衲空蒲團敬展竹爐  
卷清風生卷端幽光寫巖壑

宸藻鑒高齋一時侍從臣

筆依檀巖遂令山中叟常作鐘鼎看爐新製未改畫古神獨完  
領略石泉味可共煙霞餐久坐雨秋堂半嶺松濤寒

寄暢夫如何不盡煙霞賞臺榭豈殊構一一致軒爽

宸遊

樂同民諸老得扶杖溪光山色間眾象列平敞微風忽來披林  
影看瀟蕩安知後視今陳迹覽古往索笑梅花新檐月動虛幌  
真人昔燒丹山房有古井昨夜梅始花寒煙瘦而挺汲水豈得  
仙飲水聊自醒無言亦忘味煮石不如茗道士八十餘頗能賦

古鼎鼐睡洪爐春三才悅相並安期安可期松風灑吾頂

管社山莊呈過二枕嶠

今夜五湖月全歸社裏春悠然翠聲閣復此素心人松葉滿三徑梅花成四鄰爲君啟巖戶飛出片雲新

夜坐濟寧館作

明月湖上山深燈竹間屋人閒春澗喧波靜春巖綠始識住山心空翠明幽獨

附  
和作

同里  
鮑汀  
若洲

夜色澹空山深林隱茅屋明月竹間來流照杯中綠呼童啟柴扉掃葉煨黃獨

山中贈吳竹如

邊屋寒濤落翠聲

閩名

山童烹茗指泉清

一指泉即迎旭泉

春來半枕梅

花夢夜雨階前草又生

西管社訪王處士

茫茫三萬六千頃冥冥七十二峯影  
管社山廻窮幾灣窮窺春巖向空靜  
夜來鼓棹翠聲西凌晨拄杖敲竹扉  
白雲連縣塞蒼徑惟有山鳥當檐啼  
幽人啟扉莞爾笑山童拍手驅林鳥  
梁鴻久住四山寒范蠡初歸五湖曉  
誅茅卜居低石闌埽窗竹影風  
翛然湖山到處堪相賞吾將於此養琅玕

問源草廬題壁



千頃湖光一棹迴白雲多處問源來草廬知是王猷宅看竹人  
先看早梅

梅意高寒畫不成半湖濃翠蕩新晴只隨短艇沿流去我與閒  
鷗有舊盟

寶界山莊

王仲山先生別墅今  
爲寺與故宅相近

問訊王僉事門前范蠡湖水光春草合僧影夕陽孤悵悵先生  
去風流絕世無烟雲空故宅歸鳥隔林呼

泰伯祠追和邵文莊公韻

煙墟都是釀王鄉古木寒雲歲月長水上野梅蠻井絡山中藥  
草德馨香國方立季因偕仲天欲歸周孰翦商瞻拜崇祠憑剔

辭斷碑難認碎文章

同妹婿楊簣谷奉泛湖至惠山

擁翠出前汀推蓬萬歲亭乍晴千澗綠一雨五湖青草長春遊  
熟茶香午夢醒最憐幽絕處幾許未曾經

舟中

畫舫爭傳海岳聲不須千斛酒頻傾湖山佳處帆前引風水遭  
時岸退行兩槳春濤迴玉軫一方明月界楸枰溪雲送我沿流  
去何必嚴陵七里清

華丈客齋避暑圖

出世入圖畫全家住翠微溪風喧石瀨松雨濕絺衣人語鶴相

警嵐深雲不飛  
輒幽有仙侶  
杖底早涼歸

遊南禪寺

策杖憶前遊  
今暫到故邱  
鳥聲醒客夢  
塔影入溪流  
喝水知無住  
拈花笑亦休  
坐深鈴自語  
詩爲片雲留

題吳斧仙自定詩鈔

層城伐瓊枝  
三山修璧月月冷  
天青玉屑霏零落  
人間香不滅  
君今持斧欲何求  
門外桃花一畝雪  
蒼藤翠壁闌無人  
煙痕瘦盡龍山骨  
字

集箕谷賜硯齋卽送北上得徐

壯游君又北  
北固接南徐  
瀟瀟一江漲  
行行四月初  
筆花搖海

嶽帆影落琴書爲語京華客今吾方荷鋤

貽楊蓉裳甥

甥歸自金陵

我昔三山遊春風白鷺洲時無謫仙在惟見大江流冉冉鶯花  
老蕭蕭蘆荻秋因君更回首孫楚有高樓

四月廿五日書贈蓉裳

第一江山第一泉片帆橫卷海門煙眼前萬慮消除盡我亦人  
間鐵笛仙

不識仙源何處尋夢中覓句費沉吟穆穆楊柳江南岸一寸相

思一寸金

二語前月夢中句

期君翦燭話平生垂老心情只課耕耕到九龍山翠裏一條泉

水在山清

廿六日雨中走筆遊謁齋兄蓍裳甥遊惠山

松雨瀉窗牕畫眠起看山色青於煙百年催我蠟雙屐明日遲  
君遊二泉此地舊爲長史宅吾儕今到大羅天水門西過芙蓉

渚時有白鷗隨釣船

家大人於惠山讀書開新築大羅天與諸君落成

贈田叟

緩緩沿流去村村布穀啼綠簑春水闊白鷺曉雲低上有泰伯  
墓下爲梁鴻溪慨然千載後與爾共鋤犁

夢游黃山吟

寒雲凍入玻璃缸簷溜不絕聲淙淙半酣呼茗童子臥我亦飛

夢平天在風聲雨聲渺何處前海後海開山窗窗前老松不盈  
尺草屨穿花履層壁上有天雞啼下有古鶴跡一步一出奇百  
步登雲梯仙人大笑化爲石碧痕縷縷垂虹霓看朱成碧眩莫  
定天風海濤亂鐘磬蒼茫不識接引崖石筍森森脊斜亘攢峯  
絕壑時有之瑞草自茁無人知清光不寒澹如水靈境自是羲  
軒時羲軒去我久山光入鸛牖文殊院獅子林盤松虬枝猿猱  
吟翠柏如薜長風陰雲裏諸峯半空出天都蓮花恍可掇蓮花  
萬丈天際看日月照之更清發從風縱體揮紫煙巨石中空洞  
如室遂欲凌丹臺丹臺俯瞰翠微背徙倚玉屏風一場林巒紛  
藻績脾樓直指丞相原仙燈正與天都對我不能學謫仙人流

浪江湖餐沉澆亦胡不從赤松子赤手青天了無礙耳中鼎沸  
泉聲迴懸流洒壁萬壑雷沾衣拂面悄而覺覺起而坐心徘徊  
同斧仙可亭晚步南禪寺

向晚南塘路橘門映郭清霽船流水競僧笠夕陽明雲起山如  
活風搖塔有聲眼前長錯過何必語三生

殘月

殘月下前林開門望蒼巘隔岸花冥冥鐘聲過溪遠

以梭鞵遺王淙雲

飛鳬脰短尙留雙踏得蘆花自渡江未染東華塵土氣九龍山  
翠濕鞵幫

緩步瓊林聽曉鶯春風相送踏莎行  
仲宣樓外青青徧好向星  
辰辨履聲

慈雲寺觀荷同簣谷荔裳

晨入慈雲寺明河可一方日高風影立  
露淨水心香傾蓋攬西  
爽採珠過北塘到來餐秀色合製芰荷裳

題王餅城聽雨樓卷

井序

元至正間張外史在吳郡廬山甫家聽雨題詩倪高士繼作  
王叔明爲之圖一時題詠甚夥明初王耐軒有聽雨樓請賢  
記餅城其裔也爰以聽雨名其樓且繪爲圖索余題因追和  
張倪舊韻二首



黃鶴山樵寫煙霧盧家高樓竟何處樓間聽雨張與倪已乘白  
鶴杳然去去時無言亦不還雲自悠悠水自閒眼前突兀見此  
屋詩味盡禪生夜寒

昨夜溪光月如洗參差樓影橫波底雲沉雨斷又一時惟有青  
山橫棊几想見諸賢翰墨中却看我也龍山農聽雨聽泉兼聽  
雪玉笙吹徹故家風

從兄玉亭屬登前韻二首

拂袖非烟亦非霧看雲又到雲深處悵然却憶古之人孤艇空  
江自來去聽雨樓邊聽雨還蒼茫雲物共蕭閒當時對酒青山  
近異代高歌白雪寒

心知山骨經三洗無復浮雲歸眼底若教雲起定爲霖未必先生常隱几九峯三泖五湖中先生有道歌黃農祇今寂寞無遺跡百尺樓高納諸風

爲王涵齋題攜筇圖

綠髮朱顏童步履隨春風開圖示我影有似古赤松芝蘭玉樹滿階砌啼鶯語燕交簾櫳七尺紅藤五絲履花阡柳陌何匆匆君且爲我踏徧青芙蓉我亦爲君醉倒玻璃鍾此邦文物爲君述開泰伯繼仲雍此鄉山水爲君記湖范蠡溪梁鴻想見周漢以還風俗淳古其後往往延幽蹤琴清冷兮流泉觴素月兮眾峯林霽色而夕麗山侵曉而煙空雲羅平碧野醬落紅漱二泉

枕九龍閣啟清閣谷想愚公固昔賢之所自處撫流景其焉窮

鎮鼎山林各天性用句難進易退將毋同獨立蒼茫一瘦筇局

不跨鶴橫江東易不跨鶴橫江東城隅一水彎如弓而我與君

俱處弓弦中東君家西我家舍南舍北水一派苔草延古意水

木湛清華用句尋常門巷都相似本地風光不用賒短李家山

虛竹石遂初私第澹煙霞一生能著幾緡屨萬鍾於我欲何加

請看海淮祠前月常照重陽閣上花

溪上農

溪花冥冥水底紅明月欲墮溪上風飛花亂落溪風中誰家珠

簾怨橫笛老漁夢醒春雲白簷上落花香釣石請君試著老漁

養聽我船頭拍拍歌

溪水人家春水足  
雉子斑斑飛出屋  
屋裏青娥白苧歌  
歌聲散入清溪山  
清溪一曲殊未終  
黃雞上宿聞夜春  
停春相問訊或恐  
是梁鴻

侍大人居錦樹園和陶公歸田園居五首韻

園居寂無事  
朝曦升故山  
白雲有回伏  
青松靡歲年  
既不羨嵩華  
且亦懼冰淵  
遂從龍山農  
歸種東臯田  
茲園半錦樹  
魚鳥遊其間  
雍雅一室中  
依依几杖前  
晨興凌紫霞  
暮歸霏夕煙  
老萊起舞綵  
常復知華顛  
竊感主恩厚  
予此暇日閑  
願爲聖人氓  
俯仰常寬然

避喧常掩關白日謝塵鞅惠風蕩嘉林令人發遐想吾里故讓  
王斯人竟焉往大化無停運何由見消長昨夜新雨過門前溪  
水廣具區翕受之奔流浩莽莽

少壯出門去還家耆舊稀獨遊不識路沿月棹舟歸涼風起歸  
途慈母牽我衣豈必無遠志念此願無違

罷釣坐溪上抱孫行與娛蒼然日云暮歸鳥趁林墟南鄰有逸  
叟相見問起居沽酒邀我酌掛瓢橫朽株以此賞幽趣坐對常  
憂如不知誰賓主傾壺不復餘醉中一舒嘯仰首視太虛萬物  
盡身表生內何有無

春水周四除環流屢回曲聊爲孺子歌濯纓亦濯足漁父方鼓

樵夫自觀局多願望舒圓照夜不用燭雙輪遞廻旋經天起  
東旭

雨後遣興

天心潤物雨無私有客林間意正遲苔坼槐根盤蟻路花翻桃  
葉掛蟲絲煙雲過眼歸何許滄海添流竟不知日暮老漁謀一  
醉東風分付兩鷗鷗

得成都王濬洲太守

鳳儀

書詩以代札

故人目笑虎頭癡借得歸帆只咏詩歲儉不支秋鶴俸官逋翻

賴草堂貲

來書以余成都所居構鷗草堂出售代償昔兵所借官錢

艱難烏道羊腸路側槍

牽衣頓足時一片紅旗萬方喜吾雖獨餓復何辭

慧山白鶴道院玩月追懷范八道士

夜泉洗煙壑明月亦已高  
久在氛翳中飛輪入三霄  
人心本虛靜要使蒙垢消  
緬昔范道士沉照內景號  
居此五十年羽衣何飄搖  
簷雲栖繡牀澗花浮酒瓢  
誰能鍊仙骨庶以游逍遙  
吾將飲沆瀣八表窮遊遨  
如此良夜何還來酌松醪

送蓉裳再遊金陵卽次留別原韻

身如輕舟安得住挂帆又逐東流去  
落花游絲天際來狂吟淥水添金罍  
而我心長髮欲短但喚尊前歌緩緩  
任教龍尋都不驚見爾新詩却眼明  
人人稷契家儒墨鳳凰麒麟初不識  
昨夜片雲頭上黑偏爾文章賦五色  
且換美酒拋金魚盛年那得常

閑居開帷夜讀牀上書撐腸拄腹萬卷餘濃陰五月無榮悴不  
必吾廬吾亦愛二泉滿汲爭滿載嶺上白雲如我待却擬金陵  
送別篇不知鈴語江風顛曹劉波瀾陶謝手寥寥千載詩千首  
萬事蒼茫竟何有歌呼烏烏拍銅斗書劍飄零白下行風流歎  
絕黃初後欹崎厯落可笑人芒鞋半入三山雲拄杖還尋赤松  
子脫巾高揖天下士禪中蟣蝨詎足齒淮南雞犬長不死此時  
江水搖漣漪此時江月銜半規與人千里常相隨清川明鏡兩  
不疲日日南風吹五兩莫言風利不相讓門前凡鳥爲誰題臺  
上雨花無我相悵悵勞勞亭外身當年風雨石頭春鶯飛草長  
殘雞夢孰是圍棋賭墅人



以竹爐二泉水遺彭芝庭先生卽用竹爐卷中韻

仿古爲爐未試泉攜泉願就鶴欄煎圖開性海茶烟外

舊竹爐  
僧性海

手恩落吳江楓葉前明月入懷公慢與白雲出嶺我閒眠昔賢

制器先觀象快飲秋光得大全

題朱紹川

崇洛

讀易遺照

子年十二三伯兄爲余傳

鶴筆

先生與余兄義如膠漆固同聲

宣八音聯鑣待一顧是時皆壯年讀書鄙訓詁下筆如涌川江

河並東注才命不相假木拱予兄墓予少謬通籍先生漸雲路

仲兄

南華

與先生計偕實同赴訪予春開門剪燈爲道故袖中

出周易象象皆手註一畫扇柄餘易理身自具屯蹇與否剝罔

不與吉遇豈無凶悔客聖人以戒懼乾坤妙旋轉否泰相廻互  
以茲挾經心經綸無弗裕自從捷南宮十年到官署章編知幾  
絕名理日超悟先生手一經斯民歌五袴伊余展遺照耄觸感  
遲暮兩兄久謝世先生亦竟去當其盛文章數子振高步時惟  
雙溪兄詞壇最雄據皆余十年長零落歸何處盈虛消息間那  
得不論數靜驗人事殊仰觀天宇素余始歸邱園研朱滴秋露  
寄雲安隱者

隱者豈箕穎巖巖示息機山香知麝過林靜覺鴈歸邀月同攜  
酒隨風自掩扉興來歌一曲坐看嶺雲飛

題秦時夏編修

鈞泰

西神聽泉圖

五岳復五岳九州復九州方筇圓笠陟重險不如高卧溪山幽  
山光自照溪雲浮山翠欲潑溪聲流怱怱蕩漾莫名狀萬籟併  
作溪山秋此時泉聲最清幽碧澗蒼厓落深聽君從何處爲尋  
聲湛公堂下香花徑此地興衰劇可憐當年奢儉我能言虹梁  
月清照公谷爭似君家寄暢園中丞素業看喬木明月清風倚  
飛瀑回首空悲十二樓泉聲到處鳴琴筑誰歟繪水能繪聲令  
我開圖無限情無情有情壺自傾君言試作長歌行爲君吟君  
試聽赤足跨澗風泠泠有泉如斯宜濯纓

惠山天均堂題姚笠山畫醉八仙圖

虹霓爲帶秋雲衣我生不見天仙飛八月涼天桂花白世間甲

子管不得

呂純陽句

八仙人者非同時同醉天均適其適琪花瓊樹

萬古春長松參天鸞鶴新鍾離權呂洞賓酌君一斗酒脫却頭

巾其餘六人亦軒舉中有零陵市中女兩人對酌倚樹根一

杯可以安乾坤一人側立望雲海不吹鐵笛挂鐵拐世界能幾

何流光一擲梭此語聞之藍采和韓湘寒裳到碧落金銀宮闕

高嵯峨噫嘻乎胡爲乎來哉悄然坐我天姥下

杜句

疑是李白所

夢四萬八千丈之天台橫看海水三千里却似葡萄初潑醅

太白句

### 五里湖

范蠡舟輕范蠡湖青山斷處又平蕪天開一嶺荆關畫寫到蒼

茫句亦無

大小湑

小湑烟波大湑山山如螺黛水如環人生底事匆匆過却放湖  
山鎮日閒

題石浪庵次志上人韻

湖海色全浮階前石欲流此中原是岸最上豈無樓一水鳴千  
澗青山笑白頭空餘太古綠散作浪花秋

新藥

王樂公  
賦

園果又背新巖扉寢療身橋中寧獨樂芋外未全貧天地正秋  
色江河宜散人漫山桂花發占到拔茅辰

山中人稱  
桂花果

八月十七夜同吳斧仙宿天香樓卽次其韻

蟬響登山屐清光此地閒月行秋樹頂人臥綠雲間林影乍開  
合風香時往還攬衣中夜起直欲扣天關

訪貫華閣舊讀書處

并序

丁卯秋余讀書於此迄今三十年併忍草庵無復舊徑惟老  
梅僅存慨然有作仍用舊韻三首

不辨蓬蒿徑方知歲月深殘僧遺履跡破屋閉苔陰

憶有僧禮  
佛閣中著

足處有  
跡佳然野蔓多纏樹叢篁亂出林重來花落盡日暮幾歸禽

梅樹看吾老風霜異昔年冷吟聊復爾枯木且安然移榻寒留  
月攤書倦臥烟依依前日事花外雨三絃

荒徑夕陽微飛泉浣我衣下山看萬壑何處掩雙扉鐘散雲無住花殘草是依涼風咽昨夢惆悵短筇歸

文昌閣追懷端操楊丈呈涵齋兼示張道士

文昌宮前天雨香文昌宮外山雲長桂花松子常滿地

用高青道韵

袍羅拜梓潼帝我昔弱冠在帝旁夜宿名山敬業堂青藜老人端操子手藜高樓架巖起燃藜却照藥珠宮紫微漫山山影紅  
倒影正落春泉中春泉在山天濤濤春雲出岫杳濛濤棄繻生  
去追終童三十年來忽如夢日歸更作西州慟揚子談經杳莫  
聞顧樂揮扇成何用重到天香第一樓大羅天上縱經秋涼風  
昨日折錯脚明月當年懸杖頭樓中別有吹笙客燒丹欲鍊補

天石

謝張道士

迎風更葺十笏庵露寒起視三霄碧

王涵齋集同黃人葦天香樓

梁欲熟故山青丹桂再榮雙鬢白相逢舊社賦新詩遙對庭階  
玉樹枝玉樹成林各有時道人更種五色芝雲衣颺響吹參差  
吹參差叩天關灑掃玉虛開紫館天香如雨滴人間

喜曹秋漁員外假歸過訪草堂話舊

欲話巴山直到今病餘秋草閉門深微吟刊落驚人語虛願紛

綸戀闕心劍外五年松作友

甲午除夕楊笠湖沈澹園曹秋漁集稟署天妙閣瀟園寫四條

淮南八月桂成林

今秋兒子永之署張誠

售京兆試張秋漁男爲君開釀供雞黍

雙雁南來聽遠音

嘉善訪秋漁東園座中呈慈山先生



秋水白鶴湖沿流遙可溯巖風披蕪葭蒼然歲云暮欲謁東園  
公還向東園住坐擁慈山雲行亂馴鶴步靜躁一以形心志愧  
不固丈人著書餘和光溢豪素鳳雛在襄陽文章已驚露謂秋  
漁  
何期鹿門山復與龐公遇同調無古今高風見巾屨繞宅梅花  
林流香魏塘路

同秋漁遊蕭寺

峨眉秋月落巫峽夜猿哀此地青山盡同遊蕭寺來滄洲餘喻  
墨古壁半莓苔暫向阿羅漢名泉借一杯寺有曲瀾泉寺僧藏  
貫休畫十六羅漢

冬日西湖卽事有懷

信宿漁莊不繫舟也宜平屋也宜樓輕寒惻惻三朝霧落盡芙

蓉水自流

時借秋漁寓查氏湖  
北漁莊之也宜樓

琴鶴飄然樓自閒蕭疎五柳不堪攀酒壚本是先生社過客攜

壺飽看山

徐君補東琴鶴樓主  
人今爲四川安岳令

南高峰隔北高峰惆悵故人多米逢一行寒雁衝煙起如此湖

山獨聽鐘

同年趙鹿泉太常佑沈莘用太守清任遊宦未歸吳  
太守泰柴明府溥生皆歿惟梁山舟侍講同書張懷

月侍御齊家於  
杭過訪不值

### 六一泉

烟冷越山青天光一鑑渟名泉開北宋文物盛西泠有木於何  
住無聲試靜聽歐蘇去不返勺水亦滄溟

### 冷泉亭

萬壑嗽羣松飛泉落鷲峰  
猿呼千澗兩人倚一枝筇爲覓香山  
記空懷謝客蹤靈源復何隱日暮白雲封

韜光禪舍展所藏名人詩冊得觀先勉齋公用香山韻題  
韜光詩依韻敬和

竹外山猶隱依然老衲家  
深林來返照古澗落空花  
石筍雲爲葉天香月作芽  
先公此遺墨舊蹟試新茶

孤山用東坡韻

君不見西子湖紛紛錢趙皆空無  
金鈴畫臥花鬘毼誰復大聲  
來疾呼遐哉梅妻鶴作孳巢雲釣水眞堪娛死亦不作封禪書  
生亦何用心鬱紆有山何處不結廬  
浩浩萬古孤山孤後數十

年生髯蘇手拓湖淥空菰蒲蒼雲席捲十萬夫往往泛舟歸及  
哺小用其道非禹疏天下後世稱良圖臆日尋常閒有餘世人  
戚戚公蘧蘧公從夢中識林逋我并無夢詩難摹

題鄒黎眉先生畫卷

黎眉先生兄弟子姪皆工畫新年各畫小品一二種成卷雲岫秀才屬予

此題

逸情雲上風疎疎游心常在物之初偶然遊戲入三昧黃荃徐  
熙笑相對笑相對澹無語蕭然禪榻倚城南山大營門吹寒雨  
觀巖中允書莊子題卷後

中允聲名似摩詰花磚接鏡笑春餘長安車馬紛如織只愛蒙  
莊手自書

同斧仙變公貧谷永叔淙雲丹井山房銷寒小集分韻得

據字

霜色寒欲冰月光澹將曙步檐數晨星衣冷急添絮負暄計良  
得瓢飲樂其庶良朋欣盍簪蔬食恣饜飫此會五六月人頗能埽  
塵慮沽酒不須漉烹泉不須瀘林下清風來時有竹聲助人生  
百年內安得一無據古先竟何修自微而之著誰謂陶徵君徒  
爾賦歸去山靜無躁客石空或箕踞欲問雲無心悠然見來處  
爲鄒雲瞻題芙蓉湖圖

澹澹芙蓉山灩灩芙蓉湖芙蓉倒影落明鏡湖上人家如畫圖  
鄒侯鄒侯畫中佐門外麇麇綠楊樹四圍純浸碧琉璃白舫青

簾往來路畫師亦無數好手不可遇

用杜句

鶴渚東西鷺脰開

翳却覩文衡山

嘉禾舟次客持文畫舊湖圖見示

君今此圖無乃似

杜句

胡不更

貌響泉子綠蓑青笠短篷橫猶對芙蓉出秋水伊昔此湖名射

貴水抱九龍青不已賽社人來泰伯祠尋山舟傍春中里不知

東漢梁伯鸞猶記南朝湛長史風流歇絕已千年湖水於今尚

如此我來長嘯懷古人但見湖天白雲起看君文彩照一時攜

圖邀我題新詩令人却憶倪高士尤工遠勢古莫比

杜句

湖山佳處貌不同誰能青天削出金芙蓉

### 借舟行呈過二枕嶠

夢中不識家山色歟乃一聲湖水白誰家布帆能借人六宜主

響泉集

詩十三

錦樹園集

元

無錫顧氏

人有安宅

舟中顏曰流水人家  
六直枕隅自著也

主人嘯傲凌滄洲坐把芙蓉釣

笠澤攜舟入浦收釣絲無限愁心夜橫笛紅燈綠酒朱顏開銀

蟾拋入玻璃杯管社山頭翠聲閣千株松百木梅此舟不繫隨

風迴我將乘舟入海訪蓬萊遊富春登天白天寒日暮道修阻

但聞猿啼鶴怨使我心哀使我心哀心搖搖吳江水落寶帶橋

霜黃木落風蕭蕭澹粧濃抹喚西子十日不渡錢塘潮塵海風

波看不足扁舟容與聊逍遙與君歌一曲子規啼血聲聲哭勸

君盡一樽桃花水到楊柳門桃花潭水深千尺

李

春盡江南欲

斷魂

響泉集詩十三

無錫文苑閣排印

響泉集 詩十四

金匱 顧光旭 華陽 五世族孫鳴鳳校刊

吾廬漫藁上

起戊戌夏  
止己亥冬

丁酉春辦舊居之南關一徑於師古河上爲承歡杖履地冀  
愛日方長乃甫一年而先大夫棄世今忽忽星紀四周哀  
痛餘音係以吾廬嗚呼歌哭于斯先大夫之遺也小子其  
曷敢忘諸

彭芝庭先生譔 先大夫墓誌銘哀痛志感

先子降生維己丑去臘騎箕歲丁酉慘惓厥凶呼北斗尙書宿  
望今焉有底衣竹杖哭拜叩泣血被面而積垢匍匐門嗣孤



某敢請尙書銘不朽尙書歆歆念老友苦憶昨年出虎阜放舟

爲訪梁溪叟梁溪之水清且瀏同往溪山試梅柳正值九龍青

蠅一泓丹井開晴牖玉局金經共深剖

先生家 有玉局心 儼時先子與先生誦

大洞經鶴髮朱顏兩黃耆飛步猶能登絕陡山禽格格敲茶臼二

泉涓涓落深湫竹爐賦詩一不苟古苔繡壁看蚪蚪當時乘興

入林巖矣墜紅塵如敝帚薄暮登臚更呼酒自煮黃梁剪春韭

乃知良會事非偶一朝千古空回首二豎何從害眉壽白日青

天脫身走僕指春秋六十九世俗諛墓非所取潛德幽光必垂

後銘無溢美無矯揉嗚呼公銘等瓊玖燕許春容韓柳手道德

文章根積厚曾南豐感歐陽久手書萬本傳萬口遺誠留琴願

公受上慰 先子差不負泣誦公文告吾母哀動孫曾到僕婦  
銘旌搖搖北風吼白衣倏忽變蒼狗世事浮雲是耶否一世衰  
榮百世守鐫墓片石石光黝山環水抱菰川右

墓在菰川  
莊之西

攜李舟夜風雨

驚脰湖波綠似醅麻衣如雪淚成堆客眠孤艇風初急鬼嘯荒  
村雨正來曉夢暗隨殘角斷濕雲低傍短篷開高堂爲報帆無  
恙莫聽啼烏入夜哀

送裴姪楊承叔入蜀省觀

又向三巴去愁深片語中到家如過客跨馬若乘空人比峨眉  
秀詩兼太華雄趨庭上高閣捧杖助吟風

贈荔裳甥卽用其送永叔入蜀書字韻

君不見米顙袖中石亦似其書與其畫文如翻水雲欲遍筆如  
風雨意轉快君家兄弟皆奇才兄曰斯征弟斯邁搢也骨鯀神  
清溫縱有睥睨無睚眦芳也豐頤貌自皙螢火車生猶貴介二  
子下筆洵有神金鼓抗行誰勝敗我觀鴻門大開宴平分楚漢  
鴻溝界芳也執玉如張良搢也躍劍似樊噲汝齒後諸昆瑶林  
耀金薤留家宅相成魏舒王濟穢形慚衛玠看君刻燭爲長句  
令我三復發長喟我昔巴中與汝伯酌酒論文坐官廨當筵豈  
知俗眼白柳下不恭伯夷隘搢也詞源三峽流傾倒羣言發光  
怪憐渠又作西南行我流霽裳爲再拜誰言汝伯髮如漆差喜

長君先拾芥

擢兄倫  
初登第

致書汝伯且勿憂看汝兄弟勤不懈桂樹

連拳枝相樛滿酌天漿一瓢掛未須漫仕三逕資記取他年親

戚話

爲起霞姪題照卽送之邗上

畫師能書意着手寫天真芳草江南路桃花何處津文章堪耐  
冷劍佩不羞貧別後一帆影應思五夜春

看爾穿楊葉蹉跎邗上行竹西春雨歇硯北夜潮生直自好奇  
服誰能忘世榮明開二分月遙爲照孤征

登鍊石閣追懷鄒二樗先生寄王變公

樗樹亦已朽

舊有二樗樹先生  
因以爲號今無之

空山我倚樓人生無上壽詩卷

響泉集

詩十四

吾廬漫藁上

三

無錫顧氏  
重校定本

自長留月照瀘泉夜雲橫鍊石秋

開書中唐李洞一聯掃石月  
盈帝瀘泉花滿簡先生手蹟

也顧曰鍊石  
王吏部詩書

寄聲王子晉何事遠行遊

### 田家詩

春風因時至平望川原綠出門詣富兒質衣易我穀所念惟饑  
寒未種冀先熟旱潦不可知氣候辨遲速晨興視耨歸兒女共  
牧畜官吏行勸農冠蓋滿平陸車馬馳道旁慎勿傷我菽

凶荒亦人事豈不懷冰淵細人職耒耜租稅期早完敢復思膏  
腴努力種薄田一經挂牛角時誦幽風篇勾吳開泰伯風俗胡  
不然還家具雞酒相勸諸少年吾儕自食力何所得安便

摘豆朝未飯兒女牽裳衣青黃既不接誰謂糟糠肥竊慕元德

秀世遠人已非但遇無心雲相與其忘飢鳥雀亂林影清風閒  
我扉幽蹤縱莫繼此意自得之且留爨下桐斲琴彈素絲  
出門懷故懽拄杖聽流水牧童驅犢來飲澗蹴波起心知無滌  
波濯淖有如此涼風吹人衣蒼葭蔽中沚感歎行復歸惜不見  
之子却憶陶隱居時時被詔旨可笑山野人何由贊化理

### 逐虎行

南山逐虎北山喪子不見虎跡乃見子履

解一

逐虎南山哭子北

郭瘞虎之餘哀哀獨

解二

虎來自西徑我中田虎來自東飽我

烏韃

解三

聞之長官豈不爾衛衛我爪牙豈不爾畏

解四

我倚我鋤

爾躍爾矛嶽志非一我寧不憂

解五

雨霽遣懷

閒心遙與嶺雲平  
門帶雙橋雨乍晴  
過酒牆頭邀粉蝶  
攤書樹底教流鶯  
遊絲委城窅無跡  
落果投煙空自聲  
草色隔簾看更綠  
濃陰中夏四鄰清

遣思五首

慮澹不受暑  
曾哲詠風浴風來  
一興悲顧影愧修竹  
虛館闕無人  
明月照幽獨

幽憂不可長  
風幔時一開  
夜夢見先子  
悅愜樂復哀  
人生如朝露  
淚落沾蒼苔

霏霏檐花翻寂寂  
啼鳥喧冥心  
豈云靜偶悟殊難言  
露點石上

書欲覓無留痕

嬉戲如兒時不解慈母悲  
老淚枯復滴年衰難自持  
豈不強歡笑欲使兒不知

殘日明松梢步欄惜餘景  
微風動簾鉤雛燕語歸省  
獨抱泉下思天高月窺井

憂旱次王涵齋韻四首

何堪憂旱魃白晝赤雲騎  
百里江湖潤三時土石焦  
吾邑左江右湖兼旬以來得資車馬之力  
喘牛愁對月病馬憶趨朝  
汲水頻窺井荒園起自澆

禱雨竟無術村童底事狂  
洪爐明地火繁露借天漿

邑令川春杖繁露法



神雨應也 徒用枯槁力何由杭稻香銀河看一瀉滂沛洗壇場

幽居不自得古巷亦喧囂火傘一何熾冰山徒爾豪腐儒敷補救薄俗笑勤勞霖雨須鴻筆君其染綠毫

嘆乾亦云久節物閏年遲未事難前定今吾方退思四穰何所

蓄

史記貨殖傳至西穰明年哀惡去年丁酉有秋用卜今年之數

甲坼竟誰司爲誦愍農句愁

心已到眉

閏六月吳斧仙鮑哲洲枉過雙橋草堂待雨有作

時鮑作蓋予與

吳對奕

竟日

涼風何時來吹我北窗夢好友適與俱清言雜吟諷鮑子荆關倫神妙觀天空昨寫峨眉峰雲氣入吾棟朝來添老樹結茅補

山縫吳子奕秋手落子頗奇縱固知孫吳兵不作鄒魯閨俄然  
畫裏雲幾點雨聲送起視大峨頓萬仞嵐翠重淅淅颭殘荷離  
離濕孤葑雨止棋亦收詩成聊可誦太息久嘆乾霖雨誰爲用  
答若洲見和疊前韻並再索畫

請君且勿喧煩君寫幽夢昨夢神語我語語似含諷羣峰插虛  
無飛瀑聲透空倚松雲滿身卽屋月在棟元霜搗夜光白壁補  
天縫老仙四五人雜坐談愈縱似言大道微可笑諸生鬪禪數  
亦闊疎鸞鶴訝迎送玉節雲車輕靈芝露華重投我瓊如瓜下  
交不遺詩贈我金丹經琅琅皆可誦君其以神遇舒卷歸運用  
黃可亭以蕙花佛手柑見遺書此報謝

春寒中人鶴啄冰凌波仙子波淩競晚蘭憔悴北風厲一寸金  
柑夜飄帶自從風雪擢長松空有女蘿披薜荔騷人解佩來相  
遺壁挂絺衣草堂閉可憐微笑欲拈花正值光風初轉蕙冰壺  
玉盤空若無攜來供養清四隅座中詩客鮑明遠復有季子延  
陵吳時著洲斧  
仙在座留連永日不能去几席覺興尋常殊藹然芳氣  
襲襟袖風清月白相涵濡夜深客散香更遠相對無言露光泣

對月

孤雲不成雨明月復先秋橫榻竹梧影虛堂河漢流山林遺世  
慮枕簟逼人愁愧乏仲回酒空聞祝滿篝

得孫霞岑書感賦四首

千秋交道出風塵萍海當年信有神  
白日徵車聲浩蕩青天躍馬影嶙峋  
未曾識面寧知我亦復何心却累人  
高義薄雲無以報盤詰涕淚告嚴親

盆池日日長新荷小立迴塘澹不波  
草閣可風聊可臥山田無雨便無禾  
種松且待千尋直樹蕙休誇百畝多  
若向天隨商出處五湖添得一漁蓑

杜甫原無稷契功浣花詩句滿秋風  
數椽茅屋蒼生壁一片峨眉月照空  
別去錦江寧有意却看銀漢杳難通  
當時未敢忘嚴武况復麻鞋痛哭中

蘇門鸛鶴發清聲惆悵江東阮步兵  
畫裏蓬山看一角夢中瀛

海話三生高歌縱酒煙雲散長蹤烹魚涕泗橫容易掩關無劍  
啄竹床藤枕草蟲鳴

酬涵齋見贈次韻

求艾三年未解疴病中攜劍萬山過劈開雪嶺看歸馬彈到薰  
風會止戈鶴怨忽驚寒影墮烏啼空遶夜聲多感君古誼勤相  
勗誰唱人間薤露歌

鳴鳩詞

鳴鳩來喚雨農夫走相語鳴鳩來喚晴輟耕倚茅衡今年六月  
苦亢旱旱苗枯死水苗短紅雲映曉鳩忽啼聲聲叫入天門西  
天門高天聽卑惻然聽之生虹霓赫赫炎威日卓午狂風吹倒

山雷公震天鼓蕭蕭械械灑焦土鳴鳩無聲我聽雨初時庭花  
潤霖霖夜久聲沉曉傾屋不願鳩呼挂紅暎但願鳩呼甘澤渥  
題箕谷一日千里圖

揚子雕蟲恥壯夫雙翻碧玉影交衢偶然行路逢曹霸貌得東  
臯千里駒

歡玉流珠七寶鞭春風捎破綠楊烟杏花十里桃花汗莫漫憑  
空走上天

天均堂觀小山鄒座主畫菊敬題誌感

都將綵筆染烟霞剪取秋光道士家我是謝安門下士况看綸  
令宅前花

八月十八日同吳斧仙周春巖堦王淙雲兒子永之舟過  
鄒雲瞻新宅晚至楊簣谷賜硯齋待月得庭字

逸興無近遠輕流泛風船湖光儻人外水與雲霞青伊人在中  
央環柳綠滿廳客心妙無際艫聲落遶汀因吹鄒衍律却過子  
雲亭暝色上北郭海氣生秋屏遲遲月華吐河漢掄繁星盪我  
冰雪宵可以傾綠醺手攀桂樹枝斜挂雙玉瓶迴問吳剛斧何  
年發于硯谷深駒皎皎山冷鴻冥冥會當舉天漿醉歌行廣庭

贈斧仙

斧仙先生霜滿鬢著書盈尺管三寸手持一卷冰雪吟寶瑟鏗  
然出餘韻韻流葩發秋山深花院棋聲落燈燼不言四壁無擔

石但愛長卿常慕藺斧仙斧仙有是夫我亦信天兼自信簞瓢  
陋巷百不憂富貴浮雲了無愠男兒蹈地七尺強太華森森五  
千仞我聞秣米富子陽棟裏青蛇落銀蕤見異苑又聞天賜忠孝  
侯山鵲飛來化爲印見明錄白衣蒼狗皆幻形石火流光不轉瞬  
只有詩卷留人間所以聖賢常發憤生不必求勾漏令亦不願  
封酒泉郡屋前山色朝朝青月出清江興人近斧仙持斧採樵  
行我唱漁歌晚相趁意行倘復入花源爲道漁人相問訊

九月八日離下作

空館積幽思不知離菊新  
雪霧朝已散灑然見清真  
四序悲哉秋百感歸來身  
寥寥天地間寂寂羲皇人



養花如養士聖人歎才難自植兩株桂復滋九畹蘭本無私雨  
露榮悴兩所安疎梅挺其幹寂處生古歡菊時忽破萼對影秀  
可餐時庭梅忽發一枝 酬恐得氣早懷懷春風寒冰雪會當至願言慎  
厥端

花開月初弦落日弓河口晚色麗林嵐雙橋帶疎柳呼童埽落  
葉涼露欲盈清慨然風景暮青鬢不吾有借問千金軀古人誰  
不朽

微雨夜來過輕雲澹餘照念茲菊始花採之薦家廟懿此根實  
茂迎霜發寒峭眾鳥求友聲良朋况同調采采騷人餐慘慘  
鬼嘯涼風滿靈幃孤燈夢言笑

痛哭復痛哭殘燈照幽獨奄忽近重陽皇天白日速

九日  
晨

吾衰吾母老旦旦勤顧復顧謂諸孫曾生存處華屋零落歸山  
邱人事信難下一言未及已淚落已盈掬強扶出庭行含悲痛  
霜菊

摘亦不滿把簪亦不上髮我昔歌吧帖仲冬下三巴鼓世柴桑  
郡漉酒陶公家歸向竹籬下手自種黃花修飾非所願剪伐幸  
不加一莖扶一竿擢穎揚其華起爲吾母壽金盞泛流霞

進酒北堂上兒女佩茱萸相將見節候聊用爲親娛家有二頃  
田儉歲薄取租人苦不知足吾已免追呼一飯不願餘樽節其  
所須

髮短心欲長黃花倩誰插  
往年在軍中一呼盡擐甲  
自從患風羸歸不能荷  
鍾仰高謂可登未往意先怯  
以是日掩關芳菲看世業  
起誦淵明詩俎豆猶古法

江湖竟何事微風漾輕舟  
家家蠶叢菊處處相勾留  
櫓搖却背指逐浪轉船頭  
綠簑凝曙霜紅葉滿前洲  
起呼鷗鷺侶不盡兼葭秋

神仙不可至靈菊以療饑  
譬如在籠鶴仰視秋雲飛  
今我未聞道夜盼晨光微  
明年四十九幸或知其非  
對此霜下傑聊慰塵中機  
親戚共情話不醉願無歸

雨舟同周立星少廷尉周順齋太守遲何中玉明府遊惠

山舟中沉飲未及登山而返立厓有詩依韻奉答

豈意十年別相從竟日遊湖山如待客風雨且維舟寒葉猶依樹清湍不聚漚君看烟水外高鳥去何休

悠然書畫舫

舟中觀立厓所藏蔡蘇黃米趙真蹟

歸棹趁漁燈老句知無敵名山

樂有朋雨深還入夜溪淺易成冰何日重攜屐岑樓最上層

附原作

紹興周於禮立厓

昔聞二泉水老作惠山遊暫下王喬舄來同米芾舟澆書餘  
濁酒過眼失浮漚薄暮歸林鳥依人噪不休  
寒風催返棹細雨濕船燈清景能留客良宵況得朋談元空  
覆瓿飲水憶輕冰幾許凌虛閣相將第一層

丹井山房看梅留贈瑩道人

仙館開丹井梅花飛送人  
翻憐人散後閑鎖一房春

摹印歌贈孔千秋

春窗積雨柱礎碧蟲魚蝕破青苔色  
孔侯好古追先秦六書直  
溯庖犧畫自從八體次摹印雕鑿青銅刻蒼壁蟠螭蹲螭龜辟  
邪匣中數紐遺漢家昨來示我古圖記瘦蛟突出龍盤拏飛仙  
舞鶴鑑毫髮游雲驚電忽超越秦歟漢歟近代歟意所不到神  
遽遽三唐九曲宋沿習後有作者其誰乎文三橋何雪漁二子  
能事何獨殊惜乎具體意未道遂令倉史無規模邇來延陵數  
沈鳳錄成金石歸磨礱孔侯孔侯遠擅場寸心千古區微茫二

十三家始班許六書同異我未詳夜闌剪燭爲捐贐還從蹠跡  
分低昂堂外啾啾鬼神泣倒披薤葉春風香春風吹入鵝羣裏  
競學會稽王內史不須到處覓奇文書以記姓名而已

趙耘菴觀察枉過適同年陸朗甫方伯奉養南歸舟過梁  
溪遂邀同遊惠山耘菴用前年見題拙蘂二首韻索和依  
韻賦答

萍海同歸雲水身一時回首問西神坐間便作三游洞行處還  
驚兩岸人倦鳥依林應有侶落花藉草幸無塵飲泉忘味知寒  
暖不敢臨深爲老親

本非懷瑾置何瑕宛轉高堂感歲華笑我不勝千日酒攜君同

試二泉茶看雲向晚猶疑雨種樹多年倍惜花半枕懽騰綠底  
事古槐蒼蘚夢排衙

時雨齋坐雨

溪承東林鐘晨光露遙岫遙目非一狀涼氣入襟袖稍稍侵竹  
風颯颯雨驚逗墮瓦飛濺沫傾盆激迴雷挹注惟其時滂沛孰  
云驟積雲不可量出納川谷厚卷舒在須臾紅藥弄晴晝庭樹  
泣餘滴帶草滋含秀神理悟化工蕭齋省屋漏詩書悅吾心聊  
用代耕耨

王偉人侍郎吳白華學士兩使者過惠山小憩賦贈

翠彩滿巾烏皇華人未知其言泉石好來和竹爐詩解帶圓山

木攜醵酌月池莫驚垂釣者恐訝使星移

痛矣吾先子憑君爲闡幽高文傳有道私謚哭黔婁

余於去年乞白華爲

先大夫作傳至是出稿見示

飲水難爲別看山易感秋翻思雲棧路書劍其

淹留

少宰文章伯軒軒採國風經綸三殿上師友百年中

侍郎與余同出錢唐

邵賈村先生之門

駐屐

王程緩憑闌野興同嶺雲看又起持贈意何

窮

立馬問勾吳秋光滿綠無有泉山亦懸無樹谷何愚巖壑多陳

迹乾坤幾腐儒相攜一臨眺莽蒼海東隅

從兄玉亭將遊關中爲題小照贈行



野鶴褵褕不可招翠聲一枕走寒濤誰能寂寞長松下閒放終  
南太華高

耘菰再枉草堂惠龍井茶見示閒居校閱拙稿及子才心

餘述庵白華玉所璞函詩集凡絕句仍用前韻二首奉酬

叱馭歸來賸此身自憐冰雪損詩神長吟甌北三千首

耘菰有甌北集

二十卷細數江南六七人蹤跡各應隨宦轍性情真不受風塵晉  
陵樹色梁溪水差勝於君近可親

其人如玉美無瑕與客揚帆采石華憶自蠶叢烹苦竹感深龍  
井餉新茶夕陽遠水低斜雁秋雨疎籬冷淡花相對兩忘賓與  
主不知窗影鬧蜂衙

秋晚白華枉過追送不及舟至高橋而還

去矣不可留夜永河漢闊秋色已傷離微風復超忽解纜始黃  
準懸燈映清波雲旗中蕩漾孤棹來蹉跎蹉跎未云久遙遙門  
前柳烟波忽聞之當前而反後津鼓二更初郵亭十里餘冥冥  
迷渚雁潑潑上灘魚風水相迴薄興盡轉蕭索黃鵠不返顧終  
然望寥廓念我金石交不見心忉忉歸來暗蛩語明月屋梁高  
爲侗軒題西圃圖

侗軒先生視離政十有二年三八 觀里門信宿呼親知笑把  
華燈照子鬢爲言手訂南華經得意却從西圃隱南華西圃吾  
適廬貝多花發風徐徐花開蝴蝶五色翅朝菌蟪蛄同閱世偶

然高坐漪瀾

館名

前水靜而明照衣袂咫尺庸光

書屋

天四圍平池

倒影秋容霽泰初有無吾不知故知知者乃離之有軒曰侗聊  
自署取笑同學觴於斯是時高館燭花吐雕盤綺案月當午眾  
賓聞此寂不喧而我意釋開心魂已隨陶令羲皇上又入莊周  
窈冥門夜闌歸臥無夢寐長鬚敲門賁圖至寒雨侵階芳草萎  
怪底龍蔥樹交翠評量臺榭欲忘言自覺天然成位置造物爲  
治天地爐鴻濛仰視雲將呼我知此意觀此圖有如魚沫忘江  
湖不然從政由也果聖人奚取子桑可

題許桐叔洗桐圖

古人應亦愛今人  
搖落雲林四百春  
新雨乍過秋未老  
呼童擔

水洗桐身

惆悵誰彈古調來看君着意養琴材  
龍門豈借黃河潤百尺無枝自綠苔

己亥除日立春

夜來小雨洗松筠散入東風曉色新  
綵仗土牛爭送臘青旗竹馬正迎春  
葱葱鬱鬱三千樹新集於前日種樹忽忽悠悠五十人昔已

知非今豈是一梳華髮拜慈親

除夕貧谷惠漆葫蘆以玉罍兩瓶報之

難逢除日是春朝苦葉吟餘柏酒消  
聞道漆園浮五石須知顏巷卧空瓢  
觴流水寧膠口宛繫多年怕束腰  
玉罍一杯仙侶

贈憑君斟酌送今宵

續集詩十四

無錫文苑閣排印